

種墨齋詩集

卷下

詩餘附



種墨齋詩集卷下

家嚴慈過種墨齋觀野花敬成

雨後春風暖版輿過草堂承歡情正洽行樂日初
長草媚斑衣綠花浮壽酒香二人多喜色竹下跪


稱觴

幽栖

小園誰謂陋日涉趣常新燕哺知歸舍魚飢不避

輝發伊

麟夢得



人杜陵詩作命盞澤酒為鄰隨意間花草蕭疎共
我真

積雨新晴有懷用拙二首

新晴小院得微涼早起看花喜欲狂殘藥墮紅香
帶土古苔經雨綠粘墻賞心獨我誰同語知己惟
君遠莫將瀟洒孤齋何所事日攤書史據匡床
廬如斗大卧蝸牛久雨新晴事事幽花徑泥香看
燕蹴盆池水淥愛魚遊病來轉覺詩成癖醉後方

知酒解憂安得市南僖用拙此間吟玩共綢繆

觀盆魚

尺水含生意波瀾蕩漾微魚鱗金作甲螺殼蘚為
衣乍覺紅雲亂俄驚綠霧霏倚筇觀汝變江海一
天機

送叔從軍二首

天山六月草凝霜况復清秋朔氣涼今日樽前須
盡醉明朝南北斷人腸

蔓草寒沙指塞門受降城下酒盈樽
黃昏大漠多
烽火好醉當年戰士魂

贈客

任渠宮髻鬪時新但寫迷山漫效顰
永巷有花兼
有月千金求賦世無人

答用拙

小結蓬菴思種墨閒敲韻府學吟詩
瘦成玉骨癡
肥誚擲作金聲鬼物疑尚有情時還
近俗到無言

處始為奇古今彊半瑜瑕溷願與同
懷勘酌之

白楊聲

涼夜坐不寐白楊為雨聲稚子披蓑
出山空星月
明

罕山老僧見招病後艱步詩以謝之

廖家莊外古茅槽佑啟堂閒清欲冰
佑啟堂別墅
也在翠微山陽之廖家莊時余借寓養疾正爾墨濃臨小草悠然雲盡
見高陵詩狂和寡難供俗色假空真喜說僧八寶

山前三里路為社以寶山
山可憐病體不能登

夜

天濶孤亭迥森然夜氣清
霜濃眾草白月午四山
明銀漢東南側金風西北鳴
家僮酣睡久誰與話
秋聲

月夜登山頂

高處生夜氣氤氳萬壑湮
支離樹僵立突兀石危
蹲蒼狗平吞月山魈暗近人
剗然一長嘯驚鹿上

嶙峋

答用拙穎士

未化耽書癖聊為閉戶身
金蘭新社友風雨舊詩
人那不欽高格真湏託後塵
天街三日雪南望幾
逡巡

宗室尊五雪後獨訪用拙清吟竟日用拙錄

詩見示奉和二首

披衣清曉啟書帷雪溜堂檐總未知
茗椀水搖新

白定硯池冰解小流漸山陰今鼓王孫棹驛路仍
傳處士詩株守寒齋媿孤陋繇綿二妙動予思
樂羣應念索居悲蘭藻清新啟我思安道有朋能
訪雪淵明無酒亦成詩油牕紙暖晴多暇草徑泥
深步未移手把一函愁已破長吟直到日西時

淨業湖殘雪

冬日無餘烈崢嶸雪滿川冰天留素景銀海濕晴
煙瑩逼衣裘肅寒知水澤堅西山供醉目班駁露

層巔

賀分司齊公總理永定河務兼祝四十初度
丹鳥銜書日夜催安瀾獨仗濟時才元冥默默迎
麾舞朱吏鏘鏘拜
敕來靈灼百朋純嘏錫翩
翻九鶴綺筵開
聖朝正爾勤枚卜佇見文星
集上台

和同人嚴氏竹堂雅集余即日有河上之行
兼用告別四首

龍蛇蚴蟉入牕新落筆詩成捷有神賤子自愁無
肉瘦而今醫俗賴同人

陰陰叢竹晝檐深清響蕭疎入苦吟競說此君多
勁節凌雲千尺總虚心

東裝聞別各驚魂微祿寧非雨露恩却笑王戎成
俗物竹林幸有六賢存

冒雪披霜客思悲孤村鞍馬獨吟詩子猷好竹多
佳句莫忘山陰訪戴期

冬夜感懷別用拙二首時余自河上入都又將赴河上

寒燈耿耿動牕扉默想人生萬事非五夜著書心

獨苦十年待字意多違折腰寧為求升米干祿方
能免綴衣鴻鴈偏來愁裡聽催人嘹唳盡南飛

蕭蕭廐馬夜鳴呻踏踏霜蹄不動塵知爾遠征應
戀主嗟余此別獨懷人工虞未試官何狀卷軸常

隨客不貧耽句知君憐性癖新詩數寄莫辭頻

新安莊接用拙寄和前韻六首仍次扉字奉

答

行官披雪叩柴扉問寄梅花驛使非寧謂人遙情
話隔詎關室遠爾思違安瀾心慕馴龍術捧檄身
慙練雀衣農役貪勞吾所慮敢將督課說雄飛

感遇并叙

癸未臘月余以薦從事永定河未及半月
分司被部檄兩岸諸曹俱調候內補詩以
志感并報用拙

造物顛倒人吾曹行多汜十年磨鐵硯埋首窮經
史生逢堯舜時觀光思奮起點額去龍門蕭條心
自恥投筆欲從軍腐儒未堪此壯志時熱中

帝閭懷萬里挾策投幕府曲畫河源委感彼分司
公待我為國士表除分管曹處囊自茲始一朝被
檄回飄泊無定趾錄用知何時吟詩頻徙倚豈作
不平鳴丈夫重彊仕緬思平生歡感激為言子子
亦淪落人抱璞甘受琬雄博高詞章浩瀚無涯涘

憐余有同志善言多礪砥人生良苦辛所貴知其
止升沉安足論短褐齊朱紫一日與千秋在牛後
鷄噉恐被造物愚澄慮如空水長歌聊復歸閒隱
烏皮几

家慈初度恭祝四韻小除日

乍長春景麗庭幃錦悅初陳淑氣霏椒萼浮香添
壽酒梅花流景拂斑衣孝思竊喜毛生檄學業終
慙孟母機但祝吾親老還健敢云微祿給甘肥

小除立春

土牛夜半動春雷寅月徐占斗柄回稚子得錢燒
爆竹老妻截管試飛灰聊傾觴酒聽銀箭不對椒
花咏玉臺風景依稀年歲換幾番搔首意徘徊

續句并叙

余嘗月夜登山得句云蒼狗平吞月山魈
暗近人用拙謂銀蟾暗走雲屬對尤工比
日往來河上二月九日自分司府出已初

鼓春雲籠月馬上成詩因寄用拙

春濃多夜氣天宇望氛氳蒼狗平吞月銀蟾暗走
雲樹迴空野斷水急遠村聞匹馬行歌處裁書一
報君

營詠歸軒北小園

黃土為墻白版扉幽軒遲日轉晴暉小山突兀如
人立平草微茫待露肥漉酒偶濡新菊帽買花頻
典舊荷衣婆娑畢景閒成趣往往清風挹袖歸

驟雨晚晴二首

晝陰暗茅屋閒步小山蹊驟雨忽如注新花不肯
低風吹雲葉斷雷碾日車西曳杖拾香草霏微貼
軟泥

小園餘樂事天氣晚來妍高柳半含日短苔平帶
烟盆山得雨綠枝鳥受風偏飲酒及時好囊中恰
有錢

苦旱行

上帝屯其膏作雲不作雨田中稷黍焦塔前半夏
 死村村賽神祇簫鼓喧閭里巫禱天不應杲日從
 東起圓蓋如火蒸渾河涸露底乘時事踈鑿埽壩
 護堤址千尺雲梯石礮舞按正字通礮音我引郭
起謂高貌也今土工以繩繫石數人引之擲空
下擊謂之打礮則音卧矣蓋方言也姑從之役
 夫號噉聲酸苦汗漿從空落如雨柏椿打入蛟龍
 府年年築堤防水患水已安流更苦旱村衙斗大
 鬧蒼蠅文書日夜盈几案削瓜分酒放翁閒赤脚

踏冰少陵歎安得一雨徧寰區小民其蘇慰
 宵旰

得雨

一雨足三日枯苗勃勃長村旗迎社母巫鼓賽龍
 王溽暑連朝減南風傍晚涼簿書多暇日畱客話
 農桑

蛙鼓

蛙鼓無時歇填然徹夜分低昂愁裡聽斷續夢中

聞愈覺村衙靜偏令旅思紛詩情真落寞展轉不成文

秋雨書感七首

維年秋七月廿六甲子雨四野陰雲凝西風吹不起檐滴無歇響屋漏床屢徙冒雨會農人羣嗟禾生耳相顧一太息如聞呼庚癸

密雲連晝昏起卧皆草草命僕開南牕雨聲破清曉卷書坐忘言默默傷懷抱獨有籬下菊紛披枝

葉好把酒一浮君今秋花應早

濕蟬抱樹僵咽咽嘶聲悲愁坐不能聽愀然傷我思宦遊身是客畱滯終何為

苦雨但飲酒愁多不成醉河兵報水增急溜連沙沸騎馬甫出門雄濤聲震地入耳方寸亂隳頽強仕志臨河發長歎欲哭目無淚驚定沿堤行埽壩皆失位堤固如金城幸託坤靈庇

難補皇天漏何能水府安雨急浪濤怒淤溜屢變

遷埽捲重千鈞投之若投鞭杉榭高百尺折如蘆
管然 國家重民命不復論金錢吾曹職工虞寧
辭眠與胼心逐巨流盡敢云勞事先

村衙偶歸息疲睡不得醒家人憫我倦坐起語言
輕愁魂屢驚迫夢中聞水聲突兀起靜聽雨歇孤
燈明羣聲在檐角蚊蚋亦嚶嚶

羽檄晝夜催督工如火速官小無吏胥文書皆自
讀疲馬不解鞍朝餐不果腹鍤畚若雲興踏勘走

碌碌逃禪村寺僧聽雨睡未足

葦南柯驛素軒

南柯驛村名屬固安縣
河工別署在焉

背郭堂成日霜風未到前枝撐茅蓋穩面勢土塙
堅曲洞藏花暖斜牕受月偏河干秋水落閒坐聳
吟肩

試鷹

方冬鷹翮健聯騎獵荒寒一瞥凌風去雙拳貼地
搏血花斑雉兔歸馬夕陽殘

趨府

草木冥冥天雨霜黃沙漠漠凝冰光衝寒策馬臨
渡口流澌浙澌瀝鳴野航舟子迎官偃倮出神色慘
沮形體僵呵凍搖楫莫云苦卑者趨尊我同汝東
方白處城門開翼翼墻進分司府堅冰凍合蛟龍
宮從官上壽忠州公導水安流赴其壑胼胝敢謂
吾儕功今年淫雨妨民事海水飛立魚山東
翠華幸秦未返駕蠲賑日夜勞
宸衷京南

畿輔亦苦潦渾河波滔蓄堤埽

天子惟憂傷

大田

行在蠶書絡繹報疏濬排決授方畧河

伯立獻安瀾效水土清宴奏虞衡小民比戶豐糧

稻有司稽首歸

聖猷

帝曰羣力職乃修

大官色喜小官榮綺筵聿啟飛觥籌杯盤錯落僚
屬醉紛紛出府騎馬去回首桑榆衰草間白日西
下落平地

春農

蓬茅一夜鳴春雨農夫起坐喜相語吾儕竭作湏
及時急飯烏捷命吾侶清曉紛然駕犁出稚子山
妻餉炊黍簌簌鞭響轉林間鋤破鱸血黃金土南
陌東阡樹陰直牛羊下來人未息前途下馬勞農
夫羨爾謀生惟稼穡西成東作理相因富有亦從
勤苦得催租無吏科無升畊鑿何由知 帝力
嗟哉農人力則苦含哺鼓腹誰如汝歲時斗酒歌
嗚嗚最爾園廬傲巢許

春興十首

春風吹蓬門屋上出短草嗟爾物何知欣欣及時
好攜鋤理花畦土膏射晴昊甲坼紛離披剪伐傷
指爪爪傷不足惜勿使滋蔓老

晏起牕既白疏簾透朝暉茶沸石唇響鳥鳴檐角
飛扶杖出門去看山偶忘歸流水清徹底落花香
貼泥翩翩新燕子春社來不違

好鳥多新聲柳線薄如梳愛此動植物紛然隨化

舒惠風自東來吹我床上書古書發奇香身世與
之俱童子窺我樂為具觴與壺大白而不浮對之
歡有餘

北牕對小山山色映牕綠平堦鋪細草高樹鳴布
穀四體愧不勤賦詩守茅屋得意樂忘言步擔手
捫腹知止同良禽自信能擇木

從詩向十年風味稍嚼咀蘇李曹陶謝前輩逼近
古李杜宏其才韓蘇馮騫翥王溪艷亦貞錦囊搜

句苦悠然賞心處往往不能語萬卷讀未破古人
不吾與丹鉛開北牕杏花落成雨

新籜初解綠弱柳方搖黃野人適相訪嘉我小園
芳春盤勸客餐青蔬薦黃梁乘興君再來莫嫌阮
籍狂

昨夜一犁雨日晡會農人為報西疇麥良苗已懷
新殺雞餉我農力田莫辭辛爾勤如阿段少陵豈
全貧勉旃我與爾畊讀及時春

雨多小池漲青青生水衣
蟄魚曝日出渴燕掠波
飛蕭然坐長晝浩浩生遐思
閉門絕塵事聳肩吟
新詩詩成贈阿誰真意聊自知

土銜餘宿火呼童煮新茶
露兄甘舌本清風兩腋
加城樓日欲曛晚籟聞鳴笳
詩懷佐悲壯所媿未
名家

地僻多芳草日落逾青青
散筵逼黃昏薄雲耿春
星檐雀哺雖睡園花帶露馨
此際不能寐明月當

我庭不于獨閒吟怡然涵性靈

答陳參軍晴蓑

書生今作百夫頭
疏決洪濤赴海流
擬築釣臺高
百尺君能來掣六鼈不

營北村別署小詩九首

借宅款農夫茅茨荒不剪
坐我桑樹根菘葵意非
淺

勸食拙言詞樸畧令人喜
許借屋三間四壁冷如

水

南牕頗瀟洒廣院蓬蒿滿命僕為芟除編籬戒勿

短

堊墁我塲屋展玩我圖書著書稍加富亦欲理繁

蕪

汲井淪新茗疊畦蒔藥苗雨餘柳條軟氣暖鶯吭

調

日日春風顛青青遍四野尋客過西村策我款段

馬

馬蹄送我吟草香撲我鼻興盡却歸來此間亦樂

地

柴門老樹傍鳥雀渾來慣詩懷爾善鳴吏情吾雅


淡

出門望西嶺扶杖延斜曛故人渺天末藹藹賦停

雲

是詩草稿一紙用宋人耿仙芝淺水短蕪調馬地淡雲微雨養花天二句為韻仍缺其五蓋

先君絕筆也僖用拙先生謂訂須彙入集中玩其語意亦自可止於此因遵錄之列於卷末男福訥謹識



種墨齋詩餘

輝發伊

麟夢得



冬怨調寄南鄉子

霜月洗天清風促穿檐玉馬鳴歌枕黃昏誰是伴
寒檠紅淚頻垂總不明 金鴨煖香生酒力微時
孤夢驚夜半催愁嗚咽處鴻聲一字斜排似有情

冬夜調寄薄命女

更漏永風緊征鴻聲似哽啼徹寒衾冷 月色清

如水浴巧弄梅花瘦影坐擁獸爐心耿耿一夜膏
肢損叶音音

閨怨調寄霜天曉角

西樓月缺滲透寒牕隙寂寞深閨愁集聲與淚自
偷咽情切羞自說綵燈明又滅怕聽東鄰橫笛
梅花落寸腸結

本意調寄虞美人

黃鶯聲斷春將老報道花開了昔年宛轉許多情

留得殘英幾朵照人明 帳前飲泣愁腸結點點
芳魂血駕風飄舞影悠悠恰似一江紅淚向東流
雨中榴花調寄南歌子 一名春宵曲
暈臉如含笑嬌容似帶醜踈雨點秋波行行珠淚
洒為情多

夏日晚景調寄碧牕夢 即南歌子第二體

淡月籠烟霧青苔織綠氈池塘鴨睡噪新蟬簾竹
割殘風片響水絃

美人喫烟調寄菩薩蠻

朱唇輕啟清烟馥噴雲密織籠纖玉恨鬱埋愁城
愁城用火攻 殺紋成薄幕掩映桃花弱回首轉
芳踪青絲帶霧鬆

春閨怨調寄荷葉盃

春色惱人魂宵花鳥麗景動愁思睡情寂寞倩誰
知癡麼癡癡麼癡

夏閨怨前調

曲榭榻宜涼簟舒倦簾捲艾荷香空從池畔妬鴛
鴦郎麼郎郎麼郎

秋閨怨前調

無奈秋聲難問砧韻霜葉映階紅斷腸聲在月明
中慵麼慵慵麼慵

冬閨怨前調

金獸噴烟香靜衾冷鴛被壓香肩無郎孤枕不成
眠憐麼憐憐麼憐

重墨齋詩餘

閨思調寄少年遊

春光明媚鬪名葩早放十分花
嘹唳黃鶯翩翩紫燕一樣弄韶華
倩誰傳語天涯子
閨裡悶嬌娃
蝸角微名蠅頭微利輕忍遠離家

春情調寄浣溪沙

傷盡春心春不知
癡情萬斛恨千絲
停針不語鎖眉時
妬殺花間雙蛺蝶
偏偏作對繞疏籬
憐儂獨宿不堪思

仲夏十九日夜調寄如夢令

一覺黃梁初散
月上紗牕
纔半斜
透竹簾來穿破
清光千片起翫
起翫檻外花
篩景亂

冬夜月調寄水龍吟

碧空如洗層霜月輪推上扶桑杪
銀河半隔稀星
幾點小牕清皎
嘹唳鴻聲參差梅影
此時堪好且
高歌酌酒愁酣舞劍英雄氣存多少
聽得譙樓鼓角報更深
怪他偏早關山皓魄金閨魂斷夢應

未了夜色三分二分澄徹一分靜悄我興在潑墨
揮毫細寫出冰天曉

弔明霞并叙 調寄念奴嬌 一名大江東去

余燈下讀休陽汪子柯庭詩見有題峴山
明霞墓四首并序知明霞世系臨清年十
九隨司理馮君之任吳興司理以公出明
霞遭妬婦害葬於峴山有碑曰石蒲齋侍
兒明霞之墓乃司理所題也年久仆榛莽

中湮沒無聞忽一士人家扶鸞得詩一首
云生長臨清十九年偶隨車馬過苔川傷
心惟有嶺頭草夜夜吟風泣杜鵑後書峴
山明霞題土人因以物色其處為之封土
豎碑嗚呼讀明霞之詩而剛腸百折讀柯
庭之詠而浩嘆千回青塚雖存芳魂難返
小詞一闋聊當薤露之歌云爾

孤燈惆悵弔蛾眉薄命紅顏如紙惱殺河東心太

毒忍把芳容輕毀夜半啼鵲夕陽衰草寫出愁堪
擬一回三歎傷心無柰何矣空留九字殘碑荒
墳榛莽魂斷悲風裡惹得人人腸幾折詩曲應多
憐爾西子湖頭綠珠樓下遺恨卿誰比峴山血淚
定知滿苕川水

題芳林處士薛公八十六小像調寄滿庭芳

甲子壺中瀛洲仙侶春光九十神盈竹床石几山
水洒雲屏滿座圖書供嘯傲綠篔簹內蘭芷偏馨黃

筇杖葫蘆高掛妙葯駐延齡怡情行樂處爐烟
凝篆松柏垂青或素琴輕撫漫撥新聲最是二童
有意一攜畫一煮茶鐺遙看去蒼顏皓髮儼是老
長庚



和皇正統記

